



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Thomæ Tamburini Societatis Jesu Siculi
Caltasinettensis, In ... Universitate Messanensi Theologiæ
Primarii Professoris, Tractatus Quinque In Quinque
Ecclesiæ Præcepta**

Tamburini, Tommaso

Dilingæ, 1697

Caput VI. De Jejunio.

urn:nbn:de:hbz:466:1-40032

11. Potest etiam pro Jubilao applicari oratio alias à te debita sive ex voto, sive ex obligatione Officij Divini. Ita multi apud Dianam, licet contrarium probare contendat Pasqualigus quest. 43. Non esse tantam amplitudinem in commutatione votorum, dicam cap. 8. à num. 7.

Oratio infecta peccato.

12. **S**i quis dum orat in Ecclesia; peccet mortaliter concupiscentia v. g. fœminas, ejusmodi oratio estne in rigore sufficiens pro Jubilao?

Rursus, quid si quis peccet venialiter, orando, ut si oret ad finem vanam gloriam aucupandi?

13. Respondeo ad primum, ne aquam sufficere (quidquid dicant aliqui apud Boissium de Jubileo scit. p. casu 12.) Ratio est, quia ejusmodi oratio ita inficitur à peccato mortali, ut saltem morali modo non possit dici devota, & Deo grata, qualis certè requiritur à Pontifice ibi (*devotè visitavint*) multò minus sufficere, si illa oratio fieret ad finem conciliandi turpiter sibi fœminas, quia hujusmodi oratio, inducta tanquam medium ad talem finem peccaminosum, potius esset actus contra castitatem, quam actus Religiosis. Perinde ac ille, qui furatur propter adulterium, qui est per Aristotalem potius adulter, quam fur.

14. Ad secundum puto distinguendum: si enim sic ores, ut per orationem tanquam per medium velis peccatum veniale, velis v. g. aucupari vanam gloriam, quo pacto vana gloria esset causa antecedens tuæ orationis, non

sufficienter orares pro Jubilao; quia sic esles potius vanus Phariseus, quam devotè orans Publicanus. Scio Monorum loco cit. n. 570. putare, sufficie dicitam orationem tendentem ad peccatum veniale, sed propter nostram rationem dictam num. precedente, quz etiam h̄c facit, non est audiendus,

15. At verò, si supposito actu orationis facto ad honorem Dei, addatur consequenter, vel comitanter aliud, id est effectus v. g. vanæ gloriæ, esset in rigore oratio sufficiens pro Jubilao, quia utile per inutile non vitatur. Ita sustinet Pasqualigus q. 98. de eo, qui dum orat in Ecclesia, actum venialem impatientiæ faciat, vel rideat, vel jocetur venialiter, vel similia.

CAPUT VI.

De Jejunio.

Quando jejunandum?

1. **T**er profecto in hebdomada cœta ad Jubileum, nempe feria quarta, sexta, & Sabbato est jejunandum, nec sine causa postulunt ij dies mutari à Confessario.

2. Si quis in prima hebdomada, quam elegit, implere non potest jejunia, non obligatur exspectare secundam hebdomadam, in qua posset: cum enim habeat jus lucrandi Jubileum in illa prima; habebit jus, ut jejunia illi commutentur à Confessario.

Quid

Quis?

3. **O** Mnes quidem, ut per se patet. Qui autem trium dierum jejunia nequeunt sine notabili difficultate perficere, ut sunt infirmi, pauperes, qui non habent pro plena refectione, artifices artis laboriosæ, & similes, postulant, & impetrant à Confessario commutationem.

Pueris, quamvis impuberibus, & adolescentibus usque ad annum vigesimum primum non expletum, ne Confessor commutet jejunia, nisi ex aliquo capite preter etatem detrimentum ex illis jejunis; & quidem notabile patientur.

Idem dicendum est de sexagenariis. Ratio est, quia omnibus non impeditis hæc jejunia injungit Pontifex illis, qui Jubilæo strui velint.

Qualia?

4. **F** Ient modo Ecclesiastico, hoc est, transfigendo diem cum unica refectione sine carnis, habitu consueto vespertino ientaculo. Quoniam verò est probabilis sententia, quod anticipatio horæ non frangit jejuniū Ecclesiasticum: immò cum causa neque est culpa venialis; & eodem modo refectione ientaculi facta sub meridie, reservata vespere perfecta cena, neque venialis est ex causa, ut latè dicitur in tract. de jejunio, idèo neque sic nocetur obligationi Jubilæi.

5. Insuper qui violat jejuniū per culpam venialem anticipando v. g. refectionem sine causa, vel minimum quid comedendo in die, non officit jejuniū Jubilæi, quamvis ceterum pec-

Tambur. de Præcept. Eccles.

caverit venialiter. Ratio est, quia si substantia jejunij adhuc persistit.

Non displicet sententia Gobat de Jubilæo num. 208. dicentis (sed certè aprobabiliter, me sapientioribus decernendum relinquimus) si jejuniū Jubilæi incidat in vigiliam Natalis Domini, sufficere pro Jubilæo illud facere cum ientaculo vespertino dupliciter majore, quia illud pro illa die est, inquit, Ecclesiasticum jejuniū. Ne tamen id extendas ad vigilias Paschatis, & Pentecostes, quia in his, quamvis vigiliis lætitiae, saltem ex consuetudine non admittitur duplicatum ientaculum.

Cum Læticinijs.

6. **S** Ed quid de laeticiniis? Præcipitne Jubilæum eorum abstinentiam?

Respondeo. Quamvis non pauci distinguant, & aliud assentant pro locis, ubi est consuetudo illa in jejunio adhibendi, & aliud ubi hujusmodi consuetudo non adest. Et item quamvis plures distinguant, quando tempus Jubilæi incidit in quatuor tempora, vel vigilias, & quando in Quadragesimam; & præterea, quamvis aliqui aliud dicant de habentibus Bullam Cruciate, aliud de eam non habentibus, tamen probabilissima sententia est, quam multis firmat Sanchez, semper in jejunis Jubilæi adhiberi laeticinia posse. Ratio autem principalior est, quia Jubilæum imponit jejuniū secundum morem Ecclesiasticum: at Ecclesiasticum jejuniū satis servatur cum laeticiniis, nisi aliud jubeatur, ut jubetur in Quadragesima, &c.

Immò

Aa

MEVRIN

CEP. PRÆCPT.

VARRI

da

50:6:

E III

Immod notat idem Sanchez, quod, si quis sine causa jejunaret cum lacticinij pro Jubilao, incidente in Quadragesimam, peccaret quidem, sed illud jejunium sic peractum satis, superque esse pro Jubilao.

7. Rogas per hanc occasionem: Græci, quorum jejunium in Quadragesima est sine piscibus sanguinem habentibus, postluntne legitimè pro Jubilao jejunare cum lacticinij?

Respondeo, posse: quia Pontifex, dum omnibus fidelibus concedit Jubilæum cum jejunio Ecclesiastico, & quidem latino, satis idem concedit fidelibus Græcis. Confirmatur, quia in tractat. de Bulla Cruciatæ capit. 3. §. 3. numer. 4. diximus, eadæ lacticinia ijsdem concedi per dictam Bullam.

Quæres. Græci, qui ritu Græco viventes, carnes comedunt die sabbati; debentne illo die latino modo jejunare?

Respondeo, debent; etenim nimis disertè Pontifex jejunium Ecclesiasticum (quod certè est latinum) injungit omnibus fidelibus, si Jubilæum lucrari velint. Profectò nec etiam latini obligantur die sabbati rigorosè jejunare, & tamen pro Jubilao, non obstante ipsorum more jejunare rigorosè debent: ita igitur Græci debebunt illo die rigorosum jejunium (non obstantibus suis moribus) assumere.

Jejunia alias debita.

8. Jejunia ex obligatione, quæ fortè incident in tempus Jubilæi, sufficiunt pro impositis ad Jubilæum con-

sequendum. Siquidem per unum, idemque opus utrius oblationi in te hac nostra satisfit. Ita Moronus loc. cit. num. 564. ex Henriquez, & Santarello. Quare si quis vovisset jejunare omnibus festis ferijs v. g. illud jejunium poterit inservire etiam pro Jubilao. Idem diximus sup. o. 5. n. 11. de oratione alias debita. Legite, quæ dicam o. 8. n. 7.

Propter eandem, vel similem ratione, si in unam ex dictis hebdomadis incidetint quatuor tempora, in aliam non item; poteris legitimè eligere pro Jubilao illam, in qua resident jejunia ex obligatione Ecclesiæ; jam enim facias Jubilao.

Jejunia sicut ex intentione Jubilai.

9. Diximus paulò ante, requiri intentionem lucrandi Jubilæum, ut illud acquiratur: Jam quero, an opera, & consequenter jejunia injuncta debeant etiam fieri ex intentione illud lucrandi?

Figuremus casum in hac materia jejunij, in qua facilius posset difficultas evenire. Titius jejunavit die mercurij primæ hebdomadæ, nihil sciens de jejunio imposito per Jubilæum, eratque dies vigilie ex obligatione Ecclesiæ unde tunc ipse nullam habuit intentionem lucrandi Jubilæum. An illud tunc ipsi valeat pro injuncto, si cetera exequatur, & velit nunc in hac prima hebdomada Jubilæum acquirere?

10. Respondeo. Negat Suarez, Layman, Castropalaus apud Burgaber centur. 2. num. 91. Sed probabilitas

Salas,

Salas de Lugo, Dicastillus cum eodem Bergaber affirmant, valere, quia quilibet operans aliquid boni, habet universalē interpretativam intentionem lucrandi pro anima sua quidquid per suum bonum opus lucratī potest: quare si is cetera opera intra Jubilei hebdomadā à se eleētam exequatur, eaque applicet saltem virtualiter, ut supra diximus, ad intentionem Pontificis, iludque jejunium antea factum applicet ad dictam Pontificis intentionem, sanè illud lucrabitur.

11. Atque hic obiter nota, hanc applicationem saltem virtualiter ad Pontificis intentionem esse omnino necessariam, siquidem est unum ex operibus injunctis, ut notat Pasqualius q. 34.

Jejunia in quid commutanda?

12. **Q**uoniam pro impeditis potest Confessarius commutare opera injuncta, aliorum autem operum facile sit predictam commutationem expedire. Quoad jejunium vero, sit aliquantò difficultius; Ideò hujus rei proximū meritò à me queris. Et tamen vix plenè respondere possum: etenim cùm id decernere dependeat à qualitate personæ, an debilis sit, an infirma, an robusta, an otiosa vitæ, an obnoxia arti laboriosæ, & similibus circumstantijs; ideò prudentis judicio Confessarij id committitur, ut ego universaliter, & latè expendi lib. 3. Decal. c. 16. §. 6.

13. Quæres denique. An pro acquirendo Jubilæo possim jejunare in prima hebdomada semel, in secunda autem bis, vel contra.

Huic quæstiōni sic meritò responderet Gobat loco citat. num. 212. Post lector (ait) tam multas Bullas fore mihi certum, te non adipisci Jubileum: quia modus loquendi in predictis Bullis mihi significat, in eadem hebdomada fieri jejunia debere. Haecenus Gobat Sed de hac separatiōne iterum redibit sermo insta c. 9. n. 8. ubi cum de Lugo negabimus universaliter, posse opera injuncta partium fieri in una hebdomada, partim in alia.

CAPUT VII.

De Eleemosyna.

Quæ? & cui?

1. Roganda est eleemosyna, & quidem intra tempus Jubilæi, ut etiam alia opera: sufficit autem modica; est enim arbitratia; sed quia olim in Jubilæi tenore addebatur (quod daretur juxta proprias facultates) id est tunc erat rationabilis dubitatio, an pro omnibus modica sufficiens fuisset; verum hodie cessat hæc dubitatio; dicunt enim in nostro Jubilæo (dans aliquam eleemosynam; prout unicuique suscepit devotio.)

2. Si sis adeò inops, ut nihil erogare queas, postula à Confessario commutationem. Verum id in praxi vix locum habet: siquidem etiam pauperissimus, potest aliquid minimum erogare.

3. Eleemosynam hanc si consanguineo pauperi dederis, satis Jubilæo fecisti. Idem si extremè indigenti,

Aa 2 non